

ZAKLJUČCI - PREPORUKE
sa okruglog stola
„HIDROAKUMULACIJA MODRAC I ODBRANA OD POPLAVA“

Dana 17.06.2015.godine u organizaciji Kantonalne uprave civilne zaštite Tuzlanskog kantona i Ureda OSCE-a Tuzla, održan je okrugli stol pod nazivom „Hidroakumulacija Modrac i odbrana od poplava“

Na navedenom skupu je obavljena prezentacija odgovarajućih tema koju su pripremili uposlenici Ministarstva poljoprivrede, šumarstva i vodoprivrede TK, JP „Spreča“ Tuzla, Agencije za vodno područje rijeke Save, JU „Vode Srpske“, Općinske službe civilne zaštite Lukavac, Gračanica, Petrovo, Doboj Istok, Doboj i Kantonalne uprave civilne zaštite.

Na osnovu predstavljenih prezentacija i diskusije učesnika okruglog stola doneseno je više zaključaka - preporuka.

1) Maksimalno ostvareni nivo vodostaja u profilu brane Hidroakumulacije Modrac od 203,42 m.n.m. dana 16.05.2014.godine upozorava da je potrebno ubrzati i završiti sanacione radove kako bi se osigurala funkcionalnost i sigurnost konstrukcije objekta brane u eksploataciji.

2) U dosadašnjem korištenju hidroakumulacije došlo je do značajnog smanjenja korisne zapremine zbog rudničkog i riječnog taloga.

Zbog toga je potrebno sagledati postojeći režim rada i nivoa vode u hidroakumulaciji u skladu sa ostvarenim prilivom vode u 2014.godini.

3) Potrebno je da JP „Spreča“ Tuzla uspostavi i održava sistem obavještanja i uzbunjivanja građana u slučajevima ugrožavanja života i zdravlja ljudi i okoliša na općinama Lukavac, Gračanica, Petrovo, Doboj Istok i Doboj radi blagovremene evakuacije stanovništva i zaštite imovine, u skladu sa članom 32. stav (5) Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06 i 43/10).

4) Izvršiti detaljnu mjernu analizu i dogradnju postojećeg Operativnog plana odbrane od poplava Tuzlanskog kantona, u skladu sa nivoom voda ostvarenih u 2014.godini i isti uskladiti sa članovima 79. do 81. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06 i 43/10).

5) Izvršiti detaljnu mjernu analizu i dogradnju postojećeg Federalnog operativnog plana odbrane od poplava, u skladu sa nivoom voda ostvarenih u 2014.godini, i isti uskladiti sa članovima 79. do 81. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06 i 43/10).

6) Izvršiti detaljnu mjernu analizu i dogradnju postojećeg Glavnog operativnog plana odbrane od poplava u Republici Srpskoj, u skladu sa nivoom voda ostvarenih u 2014.godini i članovima 86. i 87. Zakona o zaštiti i spašavanju u vanrednim situacijama („Službeni glasnik Republike Srpske“, broj: 121/12).

7) Uraditi i donijeti entitetske planove upravljanja poplavnim rizikom i imenovati subjekte koje će biti zadužene za vođenje aktivne odbrane od poplava navedenog plana u oba entiteta.

8) Organizirati sastanak na kojem će Ministarstva Poljoprivrede šumarstva i vodoprivrede TK civilnu zaštitu Tuzlanskog kantona upoznati sa Operativnim planom odbrane od poplava TK, načinom njegove operativne primjene i ulogom civilne zaštite.

9) Organizirati sastanak na kojem će se civilna zaštita Tuzlanskog kantona upoznati sa Federalnim operativnim planom odbrane od poplava i EU direktivom o poplavama, načinom njihove primjene i ulogom civilne zaštite.

10) Zbog unapređenja odbrane od poplava, potrebno je da kantonalno i entitetska ministarstva za poljoprivredu, šumarstvo i vodoprivredu za vodotoke I i II kategorije, dostave općinama Lukavac, Gračanica, Petrovo Doboj Istok i Doboj vrijednosti vodostaja pri kojima počinje kontinuirano obavještavanje stanovništva do vodostaja kada se poduzimaju mjere zaštite od poplava sa mapama plavljenja na kojima su prikazane linije plavljenja do kojih dopiru poplavne vode za vodotoke navedenih kategorija.

11) Završiti aktivnosti na deminiranju lijeve obale rijeke Spreče na općinama Petrovo i Doboj.

12) Uraditi analizu i utvrditi nivo opasnosti od MES-a i NUS-a u koritu rijeke Spreče i izvršiti njihovo uklanjanje.

13) Pojačati inspeksijski nadzor od strane općina Lukavac, Gračanica, Petrovo, Doboj Istok i Doboj i spriječiti izgradnju objekata u plavnom području rijeke Spreče.

14) U skladu sa svojim nadležnostima potrebno je da Agencija za vodno područje rijeke Save i JU „Vode Srpske“, urade projekat regulacije postojećih i izrade novih dijelova korita rijeke Spreče od Hidroakumulacije Modrac do ušća u rijeku Bosnu i pristupe njegovoj realizaciji na terenu.

15) Izvršiti dogradnju planova zaštite i spašavanja od prirodnih i drugih nesreća općina Lukavac, Gračanica, Petrovo, Doboj Istok i Doboj kao i pravnih lica u dolini rijeke Spreče, u skladu sa poplavama u 2014.godini.

DIREKTOR

Mr. sc. Zdenko Tadić